




Kev Ua Kom Muaj Kev Ncaj Ncees Hais Txog Cov Av Ua Liaj Ua Teb Nyob Hauv California

**Cov Tswv Yim Uas Cov Txwj Laus Khiav Hauj Lwm
Los Ua Kom California Cov Av Ua Liaj Ua Teb Muaj
Kev Ncaj Ncees Pom Zoo Kom Ua**

Tsab Ntawv Nthuav Qhia Cov Ntsiab Lus Tseem Ceeb



Tib neeg yeej mus nrhiav tau tsab ntawv nthuav qhia uas muaj tag nrho cov lus hais ua lus Askiv thiab tsab ntawv nthuav qhia cov ntsiab lus tseem ceev hais ua ntau yam lus nyob saum huab cua nyob ntawm: bit.ly/ALETF-about

Cov neeg txais cov qhua mus saib av ua liaj ua teb thiab Thea Rittenhouse uas yog ib tus txwj laus nyob hauv Task Force nyob ntawm Tijuana River Valley cov av cog khoom nyob hauv San Diego



Nelson Hawkins uas yog tus coj ntawm Task Force thiab tus tswv ntawm TAC Farm nyob hauv Allensworth



Hukama Farm tus tswv thiab Ruth Dahlquist thiab Irene de Barraicua uas yog ob tus txwj laus nyob ntawm Hukama Farm nyob hauv Ramona



Task Force cov txwj laus thiab tus neeg txais cov qhua mus saib av ua liaj ua teb nyob ntam Blue Lake Rancheria Daluviwi's Community Garden nyob hauv Blue Lake



Tus tswv teb, Qi Zhou thiab Nathaniel Brown uas yog ob tus txwj laus nyob hauv Task Force, thiab cov neeg khiav hauj lwm nyob ntawm ib lub tsev cog khoom nyob hauv Gilroy





Cov Ntsiab Lus Qhia Dav Dav

California muaj ib qhov teeb meem tsis ncaj ncees loj hais txog cov av ua liaj ua teb uas yuav tsum tau muab daws kom tag sai sai.

Tau ntau caum xyoo los lawm, coob tus neeg ua liaj ua teb thiab cov neeg saib xyuas Neeg Qhab cov av yeej tau raug txwv tsis pub ua tswv thiab tuav cov av ua liaj ua teb vim lawv yog ib haiv neeg tawv nqaj txawv, lawv yog ib pab pawg neeg txawv, lawv yog poj niam los sis txiv neej, lawv yog neeg nplua nuj los sis neeg pluag, thiab vim lawv txoj kev khiav tuaj nyob hauv lub teb chaws, nrog rau lwm yam. Niaj hnuv no, txoj kev uas tsis muaj kev ncaj ncees hais txog kev ua tswv thiab kev muaj kev mus siv tau cov av ua liaj ua teb yeej phem dua yav tag los lawm vim muab cov av muag rau tsawg tus neeg tuav thiab muab muag ua lag luam, vim huab cua pauv, thiab vim cov lus tswj hwm uas muaj ntau yam nyuaj cov neeg ua liaj ua teb. Ua ke, cov teeb meem ntawm no yeej ua tau tej yam tsis zoo rau cov neeg ua liaj ua teb thiab lub xeev txoj kev zoo ntawm huab cua txhua yam ib puag ncig thiab lag luam.

Cov Txwj Laus Khiav Hauj Lwm Los Ua Kom California Cov Av Ua Liaj Ua Teb Muaj Kev Ncaj Ncees yog ib cov txwj laus tsa los khiav hauj lwm tsis muaj leej twg yuav los cuam tshuam nyob rau hauv California Budget Act of 2022 (**AB 179**) los mus muab ib cov tswv yim uas lawv pom zoo kom muab tso rau hauv cov lus tswj hwm xa mus rau tus Tswv Xeev thiab Cov Txwj Laus Sau Kev Cai Lij Choj hais txog txoj kev yuav los daws qhov teeb meem tsis muaj kev ncaj ncees hais txog cov av ua liaj ua teb. Thaum Lub Kaum Hli 2023 mus txog Lub Kaum Ob Hlis 2025, Task Force tau npaj ib cov tswv yim uas lawv pom zoo kom ua los ntawm ib txoj kev koom tes nrog pej xeev, suav nrog rau 12 lub rooj sib tham nrog pej xeev thiab kev mus nrog pej xeev sib tham nyob thoob plaws California. Muaj coob tshaj li 400 tus neeg ua liaj ua teb, cov coj ntawm cov Neeg Qhab Uas Ib Txwm Txawm Nyob Hauv California thiab lawv cov tswv cuab, thiab lwm cov neeg yeej tau tuaj koom cov kev sib tham uas muaj hais ua ntau yam lus, suav nrog rau cov rooj sib tham, cov kev mus xyuas liaj teb, ib qhov kev nug, thiab cov kev muaj qhua tuaj piav qhia rau sawv daws.

Cov Txwj Laus tsab ntawv nthuav qhia thaum kawg, uas muab xa mus rau tus Tswv Xeev thiab cov txwj laus sau kev cai lij choj thaum Lub Kaum Ob Hlis 2025, yeej muaj ib cov lus tham txog yav tag los thiab niaj hnuv hais txog txoj kev tsis muaj kev ncaj ncees rau ntawm kev siv av nyob hauv California, thiab yeej muaj ib cov tswv yim uas lawv pom zoo kom muab tso rau hauv cov lus tswj hwm coj los daws lub xeev qhov teeb meem tsis muaj kev ncaj ncees hais txog kev siv cov av ua liaj ua teb. Cov tswv yim uas pom zoo kom ua yeej qhia cov hauv kev los mus ua kom cov neeg ua liaj ua teb tseem ceeb thiab cov neeg saib xyuas Neeg Qhab cov av muaj kev mus yuav tau av, muaj cov av uas nqi pheej yig thiab yog av zoo rau lawv tuav thiab cog khoom noj, cov khoom muaj fiber, tshuaj, thiab ua raws li tej kab lis kev cai uas yuav tsis muaj kev txiav, tsis muaj qhov uas ib cov neeg muaj ntau tshaj ib cov, los sis tsis muaj kev siv tsis raws txoj cai.

Peb yeej muab cov tswv yim uas pom zoo kom ua faib ua rau (6) ntu ntawv:



Kev muab txoj kev saib Neeg Qhab cov av thiab kev muab av rov qab rau Neeg Qhab coj los ua ib qhov tseem ceeb.



Kev muab nyiaj pab thiab muab nyiaj txhawb zog rau txoj kev yuav av rau cov neeg ua liaj ua teb tseem ceeb thiab cov neeg uas saib xyuas Neeg Qhab cov av.



Txiav, kho, thiab muab txoj kev uas pub ib tus neeg los sis lag luam los yuav av ua liaj ua teb ntau thim rov qab.



Txuag California cov av ua liaj ua teb thiab muab txoj kev ncaj ncees hais txog kev siv thiab kev saib xyuas av coj los ua qhov tseem ceeb.




Tiv thaiv thiab muab txoj kev yuav tau av ntev coj los ua qhov tseem ceeb.



Txhawb txoj kev ua liaj ua teb nyob hauv cov nroog loj.

Txoj kev muab cov tswv yim uas pom zoo kom siv ntawm no coj los siv yeej yog ib qhov uas yuav pab txhua tus pej xeeb California los ntawm txoj kev ua kom muaj ib txoj kev yuav muaj cov khoom noj uas zoo thiab muaj kev ncaj ncees, txoj kev ua kom muaj kev khiav lag luam khoom noj zoo nyob hauv nroog thiab ntau qhov chaw, thiab txoj kev ua kom muaj cov av uas yuav siv tau ntev ntev mus thiab yuav cog tau qoob loo.



Applai Tribe Farm & Garden
Nyob Hauv San Diego

Cov lo lus tseem ceeb

Kev ncaj ncees hais txog cov av ua liaj ua teb

Kev ncaj ncees hais txog cov av ua liaj ua teb yog thaum cov neeg ua liaj ua teb tseem ceeb thiab cov neeg saib xyuas Neeg Qhab cov av muaj kev mus yuav tau av, muaj cov av uas nqi pheed yig thiab yog av zoo rau lawv tuav thiab cog khoom noj, cov khoom muaj fiber, tshuaj, thiab ua raws li tej kab lis kev cai uas yuav tsis muaj kev txiav, kev ib cov neeg muaj ntau tshaj ib cov, los sis kev siv tsis raws txoj cai.

Cov neeg ua liaj ua teb tseem ceeb thiab cov neeg uas saib xyuas Neeg Qhab cov av

Cov tib neeg uas tau raug kev txwv ntawm txoj kev ua tswv av thiab txoj kev tuav tau av ntev rau kev ua liaj ua teb thiab rau Neeg Qhab siv yav tag los thiab los ntawm kev khiav hauj lwm. Cov tib neeg ntawm no yeej yog suav cov tib neeg uas pom hais tias lawv yog neeg ua liaj ua teb thiab neeg yug tsiaj uas raug txwv vim lawv yog neeg tawv nqaij txawv, yog neeg xiam oob qhab, yog poj niam, yog neeg LGBT+, los sis neeg khwv tau nyiaj tsawg (**AB 1348**) thiab cov neeg ua liaj ua teb uas muaj kev pab rau lawv tsawg (**H.R. 2**). Cov tib neeg ntawm no los yeej suav cov neeg ua hauj lwm ua liaj ua teb thiab cov neeg uas lawv xav mus pib lawv cov kev ua liaj ua teb.



1. Kev muab txoj kev saib Neeg Qhab cov av thiab kev muab av rov qab rau Neeg Qhab koj los ua ib qhov tseem ceeb

Cov Neeg Qhab Uas Ib Txwm Txawm Nyob Hauv California uas tsoom fwm lees paub thiab tsis lees paub yeej yog ib cov neeg uas nyias muaj nyias ib cov keeb kwm thiab kev sib raug zoo nrog Xeev California, uas ua rau muaj ib cov teeb meem thiab cib fim rau txoj kev ua kom muaj kev ncaj ncees hais txog cov av ua liaj ua teb. California yog ib lub xeev uas muab tau los ntawm kev muab cov Tib Neeg Ib Txwm Txawm Nyob Rau Thaj Av ntawm no tshem tawm, kev yuam kom khiav tawm, kev ua phem, thiab muab lawv tua kom lawv tsis txhob nyob ntawm lawv cov av thiab dej. Cov ntawv cog lus uas tsis tau lus pom zoo, kev siv tub rog mus tua, thiab cov kev cai lij choj uas cais tib neeg yeej ua rau Cov Neeg Qhab tsis muaj av thiab tsis muaj cai dab tsi li.¹ Niaj hnub no, cov Neeg Qhab yeej tuav tau ib feem ntawm cov av uas lawv ib txwm saib xyuas, yeej raug txwv ntawm Txoj Kev Uas Neeg Qhab Saib Xyuas Lawv Cov Neeg Zoo Li Ib Lub Teb Chaws txoj kev koj lawv tej kab lis kev cai, thiab txoj kev saib xyuas huab cua txhua yam nyob ntawm ib thaj av.

Txoj kev uas muaj kev los mus txwv kev siv av thiab kev ua tswv av rau cov Neeg Qhab Uas Ib Txwm Txawm Nyob Hauv California yeej yog ib qhov teeb meem uas yuav tsum tau muaj kev koom tes, kev sib zog pab ntev ntev mus thiab kev pab los ntawm lub xeev. Kev muab av rov qab rau cov neeg raws li caj ceg yeej rov qab qhib kev rau tej khoom siv raws li kab lis kev cai zoo li tshuaj, nroj tsuag, thiab tsiaj, thiab yuav ua rau cov Neeg Qhab rov qab kho tau txoj kev sib cuam tshuam ntawm txhua yam nyob rau ntawm ib thaj chaw thiab cov av uas lawv ib txwm khiav lawv tej kab lis kev cai, ua rau cov av muaj chiv tuaj, thiab ua rau muaj ntau yam nroj tsuag thiab tsiaj ntxiv tuaj.

Los mus hwm Txoj Kev Uas Neeg Qhab Saib Xyuas Lawv Cov Neeg Zoo Li Ib Lub Teb Chaws, txoj kev muab av rov qab rau cov neeg raws li caj ceg yuav tsum tau yog ib qhov uas tsis muaj kev txwv los sis tsis muaj kev hais tias tshuav nqi dab tsi thiab yuav tsum muaj kev sib tham thiab kev sib txuas lus tseem ceeb thiab muaj tsis tseg nrog cov Neeg Qhab Uas Ib Txwm Txawm Nyob Hauv California.

Cov Tswv Yim Uas Pom Zoo Kom Ua

1.1 Npaj Ib Pob Nyiaj Rau Kev Muab Av Rov Qab Rau Tib Neeg Raws Li Caj Ceg (Establish Ancestral Land Return Fund).

1.2 Muab txoj kev muab av rov qab rau cov Neeg Qhab Uas Ib Txwv Txawm Nyob Hauv California tso rau hauv lub xeev cov lus tswj hwm thiab kev pab cuam.

1.3 Muab cov av uas lub xeev los sis tsoom fwm tuav rov qab rau cov Neeg Qhab Uas Ib Txwm Txawm Nyob Hauv California.

1.4 Ua kom muaj thiab tshaj tawm kom neeg paub txog kev siv Qhov Kev Paub Txog Txoj Kev Sib Cuam Tshuam Nyob Ntawm Huab Cua Txhua Yam Ib Puag Ncig Uas Ib Txwm Muaj thiab cov kev ua ub ua no raws li tib neeg tej kab lis kev cai.



2. ev muab nyiaj pab thiab muab nyiaj txhawb zog rau txoj kev yuav av ntawm cov neeg ua liaj ua teb tseem ceeb thiab cov neeg uas saib xyuas Neeg Qhab cov av

Thaum txog xyoo 2035, 40% ntawm cov av ua liaj ua teb uas muaj tswv yuav pauv tswv vim hais tias cov tswv yuav pib so hauj lwm lawm.² Yog tsis muaj ib lub zeem muag thiab ib qhov kev npaj ua ntej uas qhia meej, qhov kev pauv tswv av ntawm no yeej ua tau kom txoj kev tsis ncaj ncees hais txog kev siv av muaj qhov phem tshaj tam sim no. Cov tswv ntawm yim caum ob feem pua ntawm cov av ua liaj ua teb nyob hauv California yeej yog neeg tawv dawb, thiab cov tswv ntawm 18% thiaj li yog lwm haiv neeg thiab lwm pab pawg neeg xwb.³

Kev tsis ncaj ncees yav tag los - suav nrog rau tiam sis tsis yog tag rau txoj kev ua phem los mus muab Neeg Qhab tshem tawm ntawm lawv cov av thiab kev quab yuam Neeg Qhab ua hauj lwm, kev txeeb av raws tib neeg daim tawv nqajj ntawm Neeg Meskas Dub, kev muab Neeg Nyij Poom Meskas koj mus kaw, thiab kev yuav neeg ua hauj lwm - yeej tseem muaj teeb meem tsis tseg rau cov neeg ua liaj ua teb uas tseem ceeb thiab cov neeg saib xyuas Neeg Qhab cov av niaj hnuv no, uas lawv yeej ntxim yuav muaj teeb meem mus txais nyiaj, muaj teeb meem tau kev pab, thiab kev siv av. Tus nqi ntawm cov av ua liaj ua teb, uas twb nce li ntawm 28.3% txij li thaum xyoo 2018 los mus lawm, yeej yog ib qhov ntawm cov teeb meem loj tshaj rau txoj kev ua tswv av ntawm cov neeg ua liaj ua teb tseem ceeb thiab cov neeg saib xyuas Neeg Qhab cov av.⁴ Txoj kev daws cov teeb meem ntawm no yeej yog ib qhov uas yuav tsum tau npaj ib qhov kev txhawb uas tsis yog ib qhov kev lees paub txoj kev tsis ncaj ncees yav tag los thiab niaj hnuv no xwb tiam sis yeej pib muab ib cov kev daws qhov teeb meem koj los siv.

Cov Tswv Yim Uas Pom Zoo Kom Ua

2.1 Npaj Ib Pob Nyiaj Rau Txoj Kev Yuav Rov Qab Muab Tej Av Kho Kom Rov Qab Zoo Li Thaum Ub.

2.2 Npaj thiab siv ib qhov kev qhia los mus sau ntaub ntawv hais txog tej yam phem yav tag los thiab tseem niaj hnuv muaj.

2.3 Npaj nyiaj koj los yuav liaj teb uas muab xauj los sis muab rau cov neeg ua liaj ua teb uas tseem ceeb thiab muab rau cov neeg uas saib xyuas Neeg Qhab cov av.


2.4 Npaj cov kev pab cuam rau kev zam tib neeg ntawm cov nyiaj uas lawv txais thiab nuj nqis.

2.5 Siv cov kev pab cuam tshiab rau kev them se thiab nyiaj pab uas npaj koj los pab cov neeg ua liaj ua teb uas tseem ceeb thiab cov neeg uas saib xyuas Neeg Qhab cov av.

2.6 Ntsuam xyuas thiab kho cov kev pab cuam rau kev muab nyiaj pab thiab kev muab nyiaj ua kev txhawb zog.

2.7 Muab qhov kev pab rau kev siv thiab kev yuav av nthuav kom dav.

Tag nrho cov liaj teb nyob hauv California uas muaj tswv thiab muab saib raws feem pua ev kawj (acres) (2022)⁵



Lus Qhia Ntxiv: Cov lus qhia hais tias yog neeg dab tsi yeej yog qhia hais tias yog "tib haiv los sis ntau haiv neeg ua ke"

Txoj kev de txiv pos nphuab nyob hauv Santa Maria





3. Txiav, kho, thiab muab txoj kev uas pub ib tus neeg los sis ib lub lag luam los yuav av ua liaj ua teb ntau thim rov qab

Txoj kev yuav cov av ua liaj ua teb thiab cov khoom ib txwm txawm muaj nyob ntawm thaj av ntau thiab txoj kev muab cov av ua liaj ua teb thiab cov khoom ib txwm txawm muaj nyob ntawm thaj av coj mus ua lag luam yeej yog ib qhov teeb meem loj uas ua rau tsis muaj kev ncaj ncees rau ntawm txoj kev siv cov av ua liaj ua teb. Txawm hais tias feem ntau (63.5% nyob hauv xyoo 2017) ntawm California cov neeg ua liaj ua teb yeej ua dav li ntawm 50 ev kawj (acres) los sis tsawg dua los, 4.6% ntawm cov tswv av tag nrho ua ke yeej yog cov tswv ntawm cov av ua liaj ua teb uas yuav luag muaj txog li ntawm ib nrab.⁶

Nyob hauv ntau caum xyoo tag los tsis ntev ntawm no, peb yeej tau pom hais tias cov tswv ntawm cov av ua liaj ua teb uas yuav av ntau yeej muaj ntau zuj zus ntxiv. Cov liaj teb me twb poob li ntawm 13% nyob rau ntawm xyoo 2017 mus txog 2022, thiab cov liaj teb loj twb nce lawm.⁷ Thaum muaj cov liaj teb loj sawv los pauv cov liaj teb me thiab cov loj li ib nrab, cov zej zos yeej ntsib teeb meem tsis zoo nyob rau kev ua lag luam, huab cua txhua yam ib puang ncig, thiab txoj kev noj qab nyob zoo.

Nrog rau txoj kev yuav av ua liaj ua teb ntau, txoj kev muab cov av ua liaj ua teb saib zoo li nyiaj txiag yeej muab cov av ua liaj ua teb coj mus siv ua ib txoj kev ua lag luam rau cov neeg qes peev ntawm cov tuam txhab ua lag luam, uas muab cov av ua liaj ua teb saib raws li qhov hais tias yuav muab muag tau nyiaj ntau npaum li cas es thiaj li tsis muab saib raws li qhov uas cov av yuav tsim tau khoom noj, cov khoom uas siv raws li kab lis kev cai, thiab raws li cov txiaj ntsim uas yuav muaj rau lub zej zos.

Lub hauv paus ntawm cov kev tsis ncaj ncees ntawm no yeej yog tsim los ntawm cov lus tswj hwm kev txeeb av thiab txheeb txoj kev npluag nuj ntawm cov neeg ua liaj ua teb tseem ceeb thiab cov neeg saib xyuas Neeg Qhab cov uas yeej muaj kev sib cais tau los ntau puas xyoo lawm.

Cov Tswv Yim Uas Pom Zoo Kom Ua


3.1 Cov tuam txhab nqes peev ua lag luam yeej txwv txoj kev ua tswv ntawm cov av ua liaj ua teb.

3.2 Npaj cov kev cai lij choj uas yuav cia cov neeg ua liaj ua teb tseem ceeb thiab cov neeg uas saib xyuas Neeg Qhab cov av muaj cib fim los mus yuav av ua ntej.


3.3 Npaj ib pob nyiaj so hauj lwm rau California cov neeg ua liaj ua teb.

3.4 Npaj thiab muab nyiaj mus pab ib Qhov Kev Pab Cuam Rau Txoj Kev Soj Ntsuam Kev Muag Av.

Qhov dav ntawm cov liaj teb thaum muab saib raws li feem puas ntawm tag nrho cov tswv thiab feem puas ntawm tag nrho cov ev kawj (acres) ntawm cov av cog qoob loo uas muaj tswv nyob hauv California (2017)⁸



Cov liaj teb nyob hauv California uas muab saib raws li qhov dav nyob hauv xyoo 2017 thiab 2022⁹



● Cov liaj teb uas me tshaj 180 ev kawj (acres) ● Cov liaj teb uas dav tshaj 1,000 ev kawj (acres)



4. Txuag California cov av ua liaj ua teb thiab muab txoj kev ncaj ncees hais txog kev siv thiab kev saib xyuas av coj los ua qhov tseem ceeb

Txoj kev tsim tsa vaj tse nyob hauv nroog loj thiab tsim tsa chaw ua khoom ub khoom no thiab qhov phem ntawm txoj kev rhuav tshem kev ua liaj ua teb yeej yog qhov teeb meem loj tshaj rau California cov av ua liaj ua teb. California poob ntau tshaj li ntawm 1.6 lab ev kawj (acres) av ua liaj ua teb thiab yug tsiaj nyob rau xyoo 1984 mus txog 2018, uas txoj kev tsim tsa vaj tse nyob hauv nroog loj yeej yog 75% ntawm cov av ua liaj ua teb uas poob ntawm no.¹⁰ Lub xeev cov av ua liaj ua teb uas muaj chiv yeej yog cov uas poob ntau tshaj. Nyob hauv txoj kev los daws kev rhuav tshem txoj kev ua liaj ua teb, yuav kom lub xeev yuav muaj cov dej nyob hauv av txaus siv ntev ntev mus yav tom ntej, lub xeev yuav tsum tau muab kwv yees li ntawm 500,000 mus rau 1 lab ev kawj (acres) av ua liaj ua teb tshem tawm tsis pub ua liaj ua teb ntxiv lawm.¹¹

Thaum muab saib raws li qhov ntawm no, Xeev California thiaj li tau teev ib lub hom phiaj los mus txuag li ntawm 12,000 ev kawj (acres) av cog qoob loo thiab 33,000 ev kawj av nyom rau ib xyoo pib thaum xyoo 2030 mus, ntxiv rau cov hom phiaj dhau lub sij hawm ntawm no mus.¹² Cov hom phiaj ntawm no thiab lwm cov kev pab rau huab cua thiab kev txuag txhua yam yuav tsum yog cov hom phiaj muab los ntawm ib qhov kev npaj coj los siv thoob

plaws lub xeev uas yeej daws qhov teeb meem siv av ntawm cov av uas tsis muaj tswv thiab muaj tswv rau cov neeg ua liaj ua teb tseem ceeb thiab cov neeg saib xyuas Neeg Qhab cov av.

Cov Tswv Yim Uas Pom Zoo Kom Ua

4.1 Npaj ib qhov kev txuag av ua liaj ua teb coj los siv thoob plaws hauv lub xeev thiab ib qhov kev saib xyuas av.

4.2 Kho cov kev pab cuam rau kev txuag av thiab cov txuj ci los ua kom txoj kev siv av thiab kev saib xyuas av muaj sib npaug zos rau pej xeem.

4.3 Tshaj tawm kom neeg paub txog cov kev npaj nyob hauv nroog rau txoj kev txuag av ua liaj ua teb.

4.4 Ua kom lub xeev thiab cov nroog muaj neeg ua hauj lwm txaus los muab tsoom fww los sis lub xeev cov av xauj.



5. Tiv thaiv thiab muab txoj kev yuav tau av ntev coj los ua qhov tseem ceeb

Kev ua tau kom muaj kev ncaj ncees nyob ntawm cov av ua liaj ua teb yeej yog ib qhov uas yuav tsum tau muaj kev sib raug zoo nrog cov av uas tsis muaj kev pauv thiab muaj kev ruaj khov, muaj cov lus tswj hwm uas txhawb thiab txoj kev yuav muaj lag luam ntev ntev mus. Coob tus neeg ua liaj ua teb tseem ceeb thiab cov neeg saib xyuas Neeg Qhab cov av yeej siv cov ntawv xauj av uas yuav tsis xauj ntev los sis tsis xauj muaj ntaub ntawv, uas yeej ua rau cov neeg xauj tsis tau nyiaj pab los ntawm tsoom fwv thiab yeej ua rau tsis muaj kev rov qab ua dua thiab kev kho tej kev. Cov lus tswj hwm uas muaj ntau yam dej num nyuaj, cov kev cais kev siv av uas muaj kev txwv, thiab cov kev tsis muaj vaj tse nyob los yeej yog ib cov teeb meem rau txoj kev yuav tuav tau kev ua liaj ua teb thiab cov lag luam ua liaj ua teb ntev.

Txoj kev daws kom tau cov teeb meem ntawm no yeej yog ib qhov uas yuav tsum muaj kev xauj av uas muaj kev ncaj ncees, muaj cov lus tswj hwm uas tsim nyog, thiab muaj cov kev cais kev siv av thiab vaj tse uas pauv tau yooj yim, thiab cov kev pab uas npaj coj los ua kom muaj kev siv tau thiab muaj kev saib xyuas tau ntev ntev mus.

Cov Tswv Yim Uas Pom Zoo Kom Ua

5.1 Daws qhov teeb meem uas muaj nyob rau ntawm cov tswv av thiab cov neeg xauj av..

5.2 Ua kom muaj neeg ua hauj lwm coob ntxiv nyob rau ntawm lub chaw California Department of Food and Agriculture’s (CDFA) Farmer Equity Office.

5.3 Npaj thiab muab nyiaj ntiav cov neeg ua hauj lwm ua cov Ag Ombuds nyob rau hauv tej cheeb tsam.

5.4 Daws cov teeb meem tsis ncaj ncees hais txog cov lus tswj hwm thaum yuav tau hwm qhov kev npaj tseg ntawm txoj kev cai lij choj.

5.5 Muab nyiaj txhawb zog thiab kev pab rau cov nroog los mus siv cov kev cais av (zoning) thiab kev siv av uas yuav ua kom neeg siv tau thiab saib xyuas tau ib thaj av ntev.



Yo'Ville Community Garden and Farm Nyob Hauv Fresno



6. Txhawb txoj kev ua liaj ua teb hauv cov nroog loj

California cov nroog thiab zej zos yeej muaj ib cov teeb meem thiab cim fim rau txoj kev ua kom muaj kev ncaj ncees hais txog cov av ua liaj ua teb. Kev ua liaj ua teb nyob hauv nroog loj yeej muaj txiaj ntsim zoo vim nws qhib kev mus rau cov khoom noj uas yuav zoo rau lub cev, rau txoj kev koom tes ntawm zej zos, rau txoj kev npaj neeg ua hauj lwm, thiab ua kom muaj cov chaw ntsuab xiab ntau. Cov neeg ua liaj ua teb nyob hauv nroog loj thiab cov neeg saib xyuas Neeg Qhab cov av yeej tau txiaj ntsim los ntawm cov cib fim ntawm no uas yog txoj kev koom tes nrog lawv cov qhua lag luam thiab cov zej zos uas lawv pab.

Txawm hais tias tau cov txiaj ntsim ntawm no los, nws yeej muaj ntau yam teeb meem mus rau txoj kev ua liaj ua teb nyob hauv nroog loj, suav nrog rau txoj kev txwv ntawm kev tau nyiaj pab, nqi dej kim, thiab kev txwv ntawm txoj kev cais kev siv av. Cov kev pab cuam uas nyuam qhuav muaj los tsis ntev no, zoo li California Department of Food and Agriculture's (CDFA) Urban Agriculture Grant Program thiab the 2024 Climate Bond (Proposition 4), yeej npaj muaj cov nyiaj pab uas neeg xav tau. Dhau txoj kev pab nyiaj txiag, cov kev pauv ntawm txoj kev khiav hauj lwm yeej yuav tsum tau muab txoj kev ua liaj ua teb nyob hauv nroog loj koj los

tso rau hauv txoj kev npaj, tshem cov kev txwv nyob hauv cov lus tswj hwm tawm, thiab ua kom muaj kev ncaj ncees nyob hauv txoj kev siv av thiab tuav tau av ntev rau cov neeg cog qoob loo nyob hauv nroog loj.

Cov Tswv Yim Uas Pom Zoo Kom Ua

6.1 Xyuas kom meej hais tias cov neeg ua liaj ua teb nyob hauv nroog loj thiab cov neeg uas saib xyuas Neeg Qhab cov av yeej muaj cai siv tau av nyob hauv cov kev pab cuam uas muaj tam sim no thiab muab nyiaj pab raws li cov teeb meem uas muaj.

6.2 Ua kom muaj av rau cov neeg ua liaj ua teb nyob hauv nroog loj thiab daws cov teeb meem ntawm kev yuav siv tau ib thaj av ntev.

Kaum ib leeg ntawm 13 tswv cuab nyob hauv Task Force thiab cov neeg khiav hauj lwm nyob ntawm Strategic Growth Council Nyob Hauv Sacramento



Cov Kauj Ruam Txuas Ntxiv Tom Ntej: Kev muab coj los siv thiab kev ntsuam xyuas

Cov lus, cov dab neeg, thiab cov tswv yim pom zoo kom ua uas muaj nyob hauv Cov Tswv Yim Uas Cov Txwj Laus Khiav Hauj Lwm Los Ua Kom California Cov Av Ua Liaj Ua Teb Muaj Kev Ncaj Ncees tsab ntawv nthuav qhia yeej muaj cov tswv yim rau txoj kev nqes tes ua yav tom ntej. Ntau zaus, txoj kev uas yuav muab cov tswv yim ntawm no coj mus siv tau ceev tshaj thiab tau zoo tshaj yuav yog los ntawm kev cai lij choj. Cov txwj laus sau kev cai lij choj yuav tsum tau sau kom mee hais tias txoj kev txhawb cov neeg saib xyuas cov av ua liaj ua teb los ntawm cov neeg ua liaj ua teb tseem ceeb thiab cov neeg saib xyuas Neeg Qhab cov av yeej yog ib qhov tseem ceeb ntawm qhov uas cov txwj laus cia siab. Cov lus qhia kom ua raws li txoj cai yeej yog ib cov uas yuav tsum tau muab coj los xyuas kom mee hais tias yeej muab cov kev cai lij choj uas yuav siv tau coj los xav saib qhov twg yuav yog qhov zoo dua.

Kev npaj thiab kev muab cov tswv yim uas xav kom ua coj los siv ntawm no yuav tsum yog ib cov uas muab cov neeg ua liaj ua teb tseem ceeb thiab cov neeg saib xyuas Neeg Qhab cov av thiab tej kev

kab lis kev cai, txoj kev yuav tsim tsa tau, thiab txoj kev khiav hauj lwm uas yuav muab pauv tau yooj yim coj los saib ua qhov tseem ceeb. Ib tus qauv ntsuam xyuas zoo uas muaj cov hom phiaj, cov kev ntsuas, yeej taug qab txoj kev khiav hauj lwm thiab yeej xyuas kom mee hais tias nws yuav pab tau ntev ntev mus.

Txawm hais tias tus Tswv Xeev thiab cov Txwj Laus Sau Kev Cai Lij Choj yeej yog cov neeg tseem ceeb ntawm tsab ntawv nthuav qhia los, txoj kev yuav muab cov lus tswj hwm coj los siv yeej yog ib txoj kev uas yuav tsum tau muaj kev tawm suab los pab, muaj kev sib zog khiav hauj lwm, thiab muaj kev nqes peev los ntawm txhua tus neeg uas nrhiav kev coj los daws qhov teeb meem tsis muaj kev ncaj ncees nyob ntawm cov av ua liaj ua teb nyob hauv California.

Thov muab tsab ntawv nthuav qhia coj los xyuas kom tag tib si yog xav paub cov lus thiab cov teeb meem uas pom muaj thiab cov kev daws teeb meem uas npaj rau txoj kev ua kom muaj kev ncaj ncees nyob ntawm cov av ua liaj ua teb.

Muab Cov Lus Uas Siv Nyob Hauv Tsab Ntawv Nthuav Qhia Ntawm No Qhov Twg Los

- 1 Johnston-Dodds, Kimberly. (2002). "Early California laws and policies related to California Indians." California Research Bureau. Last accessed Feb. 3, 2026 from <https://courts.ca.gov/publication/california-research-bureau-early-california-laws-and-policies-related-california>
- 2 Hunter, M., A. Sorensen, T. Nogeire-McRae, S. Beck, S. Shutts, R. Murphy. (2022). "Farms under threat 2040: Choosing an abundant future." American Farmland Trust. Last accessed Mar. 16, 2026 from <https://farmlandinfo.org/publications/farms-under-threat-2040/>
- 3 Last accessed Oct. 2, 2025 from <https://www.nass.usda.gov/> with: Last accessed Mar. 13, 2026 from https://www.nass.usda.gov/Publications/AgCensus/2022/Online_Resources/County_Profiles/California/
- 4 "Land values 2022 summary." (2022). U.S. Department of Agriculture. National Agricultural Statistics Service. Last accessed Oct. 2, 2025 from https://www.nass.usda.gov/Publications/Todays_Reports/reports/land0822.pdf
- 5 U.S. Department of Agriculture. (2024). "2022 Census of Agriculture: California state and county data." National Agricultural Statistics Service. Last accessed Mar. 16, 2026 from https://www.nass.usda.gov/Publications/AgCensus/2022/Full_Report/Census_by_State/California/
- 6 Macaulay, Luke and Van Butsic. (2017). "Ownership characteristics and crop selection in California cropland." California Agriculture 71(4), pp. 221-230. <https://doi.org/10.3733/ca.2017a0041>
- 7 O'Connor, Teresa. (2024). "What the 2022 Census of Agriculture confirms about California." American Farmland Trust. Last accessed Oct. 2, 2025 from <https://farmland.org/2022-census-of-agriculture-california/>
- 8 Macaulay, Luke and Van Butsic. (2017). "Ownership characteristics and crop selection in California cropland." California Agriculture 71(4), pp. 221-230. <https://doi.org/10.3733/ca.2017a0041>
- 9 O'Connor, Teresa. (2024). "What the 2022 Census of Agriculture confirms about California." American Farmland Trust. Last accessed Oct. 2, 2025 from <https://farmland.org/2022-census-of-agriculture-california/>
- 10 "Fast facts." (n.d.). California Department of Conservation. Last accessed Oct. 2, 2025 from <https://www.conservation.ca.gov/dlrp/fmmp/Pages/Fast-Facts.aspx>
- 11 Sunding, David and Roland-Holst. (2020). "Water blueprint for the San Joaquin Valley economic impact analysis: Phase one results." The University of California, Berkeley. Last accessed Mar. 16, 2026 from <https://cawaterlibrary.net/document/water-blueprint-for-the-san-joaquin-valley-economic-impact-analysis-phase-one-results/>
- 12 "California's nature-based solutions climate targets." (2024). Nature-Based Climate Solutions. Last accessed Mar. 16, 2026 from <https://resources.ca.gov/initiatives/expanding-nature-based-solutions>



Peb yeej muaj cov ntaub ntawv qhia txog cov txwj laus Task Force thiab cov lus qhia txog cov tswv cuab nyob ntawm: sgc.ca.gov/initiatives/alei

California Strategic Growth Council (SGC) yog cov neeg uas saib xyuas cov txwj laus Task Force, tiam sis cov txwj laus Task Force yeej khiav hauj lwm tsis muaj kev txwv los ntawm ib lub chaw los sis ib cov neeg twg li thiab yeej yog cov neeg uas yuav txiav txim hais txog cov lus uas yuav muab tso rau hauv tsab ntawv nthuav qhia. Qhov lawv pom thiab cov tswv yim uas pom zoo kom ua uas muaj nyob hauv tsab ntawv nthuav qhia yeej yog cov txwj laus Task Force cov tswv yim thiab yeej tsis yog SGC los sis Tswv Xeev Lub Chaw Khiav Hauj Lwm Saib Xyuas Kev Siv Av thiab Tswv Yim Tshiab Rau Huab Cua cov tswv yim li.